

## «Қабул – 2017»: ўзгариш ва янгиликлар



Айни пайтда вилоятимиздаги олий ўқув юртларида 2017-2018 ўқув йили учун ҳужжатлар қабул қилиш жараёнига қизғин тараддуд күрилмоқда. мазкур тадбир бу сафар қандай янгиликларни ўз ичига олгани абитуриентлар ва уларнинг ота-оналарини қизиқтириши табиий.

Ўзбекистон Республикаси Вазирлар Маҳкамаси ҳузуридаги давлат тест марказининг Андижон вилоятидаги вакили, бош мутахассис Ҳусниддин Алиев билан мулоқотимиз шу ҳақда кечди.

– Ҳусниддин Маҳмудович, аввало, олий таълим муассасаларига ўқишига кириш иштиёқидаги ёшларни қандай янгиликлар кутаётгани тўғрисида гапириб берсангиз.

□ □ □ Президентимизнинг 2017 йил 20 апрелдаги "Олий таълим тизимини янада ривожлантириш чоратадбирлари тўғрисида"ги ва 5 майдаги "2017-2018 ўқув йилида Ўзбекистон Республикасининг олий таълим муассасаларига ўқишига қабул қилиш тўғрисида"ги карорларига асосан, вилоятимиздаги мавжуд 4 та олий ўқув юртларида талабаларнинг қабули бўйича режали тайёргарлик ишлари олиб борил-япти. Жараён "Ўзбекистон Республикаси олий таълим муассасаларининг бакалавриатига талабаларни қабул қилишда тест синовларини ўтказиш тартиби тўғрисидаги Низом"га мувофиқ амалга оширилади. Энг аввало, Адлия вазирлигидан 2011 йил 8 июлда рўйхатдан ўтказилган ушбу Низомга қандай ўзгартиришлар киритилганини айтиб ўтиш лозим.

Ўтган йилларда ҳужжатларни қабул қилиш мuddати 20 июндан 20 июлгача белгиланган эди. Бу йил эса бунга ўзгартириш киритилди ва беш кун олдинга сурилди. Энди абитуриентлар ўз ҳужжатларини 15 июндан 15 июлгача топширишлари мумкин. 15 июль охирги қабул куни ҳисобланади. Ҳужжатлар қабул қилингани ҳақида белгиланган шаклда тилҳат берилади. Тест синовлари эса доимгидек 1 август куни бўлиб ўтади.

Иккинчи янгилик мамлакатимиз Куролли кучларида муддатли ҳарбий хизматни ўтаб қайтган ва олий таълим муассасаларининг бакалавриатига талабаликка қабул қилишда имтиёзга эга бўлган абитуриентларга тааллуқли. Барчага маълумки, илгари уларга белгиланган умумий баллнинг 27 фоизи миқдорида, яъни 61 балл кўшимча берилар эди. Бу йилдан бошлаб эса, тест синовларида ўзлари тўплаган баллнинг 50 фоизи миқдорида кўшимча баллар тақдим этилади. Масалан, ҳарбий кўмондонликнинг имтиёзли тавсияномасига эга абитуриент тест куни 150 балл олса, унга кўшимча 75 балл ёзилади.

Бундан ташқари, имтиёзли тавсияномаси бор абитуриент ҳужжат топшираётган пайтда аризасида таълим йўналишига мос ҳолда иккинчи олий ўқув юртини ҳам танлаш имкониятига эга.

□ □ □ Янги ўқув йилидан бошлаб олий таълим муассасаларига тўлов-контракт пулининг оширилган ставкаси бўйича кўшимча қабул ҳам жорий этилди. Одамлар орасида 68 балл тўплаган абитуриент ҳам

ўқишига киаркан, деган гаплар юрибди. Аслида, бу қандай амалга оширилади?

□ □ □ Президентимизнинг "2017-2018 ўқув йилида Ўзбекистон Республикасининг олий таълим муассасаларига ўқишига қабул қилиш тўғрисида"ги қарорига кўра, тўлов-контракт пулининг оширилган ставкаси бўйича қўшимча қабулни амалга ошириш учун квота миқдори таълим муассасасининг мавжуд имкониятлари ва таълим йўналишларидан келиб чиқсан ҳолда, Давлат комиссияси томонидан белгиланади. Лекин бу, тест синовларида 68 балл олган толиби илмнинг ўқишига киради, дегани эмас. Мазкур жараёнabituriyentlar тўплаган балларга қараб, Давлат комиссияси томонидан дифференциялашган (даражаланган) тартибда аникланади. Қарорнинг шарҳида бу хақда шундай дейилган: "...тўлов-контракт пулининг оширилган ставкаси бўйича қўшимча қабул ўтиш баллини тўплай олмаганabituriyentlar тўплаган балига мувофик (68 баллдан кам бўлмаган) кетма-кетлик тартиби қатъий сақланган ҳолда, уларнинг оширилган тўлов-контракт пулини тўлай илиш имкониятидан келиб чиқиб амалга оширилиши белгилаб қўйилди."

Хулоса қилиб айтганда, давлатимиз раҳбарининг ушбу қарорларида белгилаб берилган мақсад ва вазифалар, аввало, юқори малакали мутахассислар тайёрлаш масаласини ўз ичига олади. Шунингдек, Ўзбекистон Республикасини ривожлантириш бўйича 2017-2021 йилларга мўлжалланган Ҳаракатлар стратегиясининг бешта устувор йўналиши доирасида амалга оширилаётган ислоҳотлар кўлами кенгайиши ва рўёбга чиқишига пойдевор яратади.